



唐詩紀事卷第十三

崔液

張元一

劉希夷

鄭遂初

王熊

房融

張敬忠

崔珪

沈祖山

盧崇道

徐安斯

張紘

薛曜

袁暉

李休烈

邵士彥

吳大江

劉幽求

賈曾

楊齊哲

魏元忠

李夔

司馬承禎

崔液

上元詩六首云玉漏銅壺且莫催鐵關金鎖徹明開誰  
家見月能閑坐何處聞燈不省來又今年春色勝常年

此夜風光最可憐  
鳩鵲樓前新月滿  
鳳凰臺上寶燈燃  
又神燈佛火百輪  
張刻像圖容七寶  
裝影裏如聞金口  
說空中似放玉毫  
光又金勒銀鞍控  
紫駟玉輪珠憶駕  
青牛驂驛始散東  
城曲倏忽還來南  
陌頭又公子王孫  
意氣驕不論相識  
也相邀最憐長袖  
風前嫺更賞新絃  
暗裏調又星移漢  
轉月將微露灑煙  
飄燈漸稀猶惜道  
傍歌舞處踟躕相  
顧不能歸

液字潤甫仁師之子  
湜之弟也工五言舉  
進士第一人湜嘗曰  
液子我家龜龍也官  
至殿中侍御史坐湜  
故亡命鄂州作幽征  
賦以見意遇赦還卒

張元一

武后朝左司郎中張元一善滑稽時西戎犯邊武懿宗統兵禦之到邠畏懦而遜懿宗短陋元一朝曰長弓短度箭蜀馬臨高踰去賊七百里隈墻獨自戰忽然逢著賊騎猪向南趨則天未曉曰懿宗無馬耶元一曰騎猪夾豕也則天大笑后嘗問元一外有何事曰有三慶旱而雨洛橋成郭洪霸死

洪霸酷吏也

劉希夷

將軍行云將軍關隸門耿介當風立諸將欲言事遂巡不敢入劔氣射雲天鼓聲破原隄黃塵塞路起走馬追

兵急彎弓從此去飛箭如雨集截園一百里斬首五千  
級代馬流血死胡人抱鞍泣古來養甲兵有事常討襲  
乘我廟堂運坐使干戈戢獻凱歸帝京軍容何翕習

悲代白頭翁云洛陽城東桃李花飛來飛去落誰家洛  
陽兒女惜顏色行逢落花長歎息今年花落顏色改明  
年花開誰復在已見松柏摧為薪更聞桑田變為海古  
人無復洛陽東今人還對落花風年年歲歲花相似歲  
歲年年人不同寄言全盛紅顏子須憐半謝白頭翁此  
翁白頭真可憐伊昔紅顏美少年公子王孫芳樹下清  
歌妙舞落花前光祿池臺開錦繡將軍樓閣畫神仙一

朝卧病無人識三春行樂在誰邊宛轉蛾眉能幾時須  
臾鶴髮亂如絲但看舊來歌舞地惟有黃昏鳥雀悲唐  
新語云希夷一名庭芝汝州人少有文華好為宮體詩  
詞旨悲苦不為時人所重善彈琵琶嘗謂白頭翁詠云  
今年花落顏色改明年花開復誰在既而自悔曰我此  
詩識與石崇白首同所歸何異乃更作一聯云年年歲  
歲花相似歲歲年年人不同既而歎曰此句復似向識  
語然死生由命豈復由此乃兩存之詩成未周歲為奸  
人所殺或云宋之問害之後孫翌撰正聲集以希夷詩  
為集中之最由是大為人所稱

或云之問害希夷而以洛陽之篇為已作至今

載此篇在  
之問集中

晚憇南陽旅館云旅館何年廢征夫此日過途窮人自  
哭春至鳥還歌行路新知少荒田古路多池篁覆丹谷  
墳樹遶清波日照蓬陰轉風微野氣和傷心不可去回  
首怨如何

秋日題汝陽潭壁云獨坐秋陰至悲芳從所適行見汝  
陽潭飛蘿蒙水石懸瓢木葉上風吹河歷歷幽人不耐  
煩振衣步閑寂回流清見底金沙覆銀礫落水非一丈  
空隴幾千尺魚鱗可憐紫鴨毛自然碧秋水弄清光渺  
焉忘損益遊山隨形影清濁混心迹歲暮歸去來東山

餘宿昔

故園置酒云酒熟人湏飲春還鬢已秋願逢十日醉得  
緩百年憂舊里多青草新知盡白頭風前燈易滅川上  
月難留卒卒周姬旦棲棲魯孔丘平生能樂日不及且  
遨遊

夜集張諲所居云江南成久客門館日蕭條唯有圖書  
在多傷髮髮凋諸生陪講誦稚子給漁樵遊室寒燈淨  
空階落葉飄滄洲自有趣誰道隱湏招

巫山懷古云巫山幽陰地神女艷陽年襄王伺容色落  
日望悠然歸來高堂夜金缸焰青煙頽想卧瑤席夢魂

何翩翩搖落殊未已榮華倏徂遷愁思瀟湘浦悲涼雲  
夢田猿啼秋風夜鴈飛明月天巴歌不可聽聽此益潺  
湲

孤松篇云蠶月桑葉青鸞時柳花白澹艷煙雨滋敷芬  
陽春陌如何秋風起零落從此始獨有南澗松不歎東  
流水玄陰天地真皓雪朝夜零豈不懼寒暑為君留青  
青青好顏色落落任孤直群樹遙相望衆草不敢逼  
靈龜卜真隱仙鳥宜棲息耻受秦帝封願言唐侯食寒  
山夜月明山冷氣清清淒兮歸風集吹之作琴聲松子  
卧仙岑寂聽疑野心清吟有真曲樵採無知音美人何  
時來幽逕委綠苔吁嗟深澗底弃捐廣履材

鄭遂初

別離怨云蕩子戍遼東連年信不通塵生錦步障花送  
玉屏風只怨紅顏改寧辭玉簾空繫書春鴈足早晚到  
雲中

萬歲通天年李迥秀下登第

王熊

熊自潭州至岳陽張燕公宴別贈詩二章云絲管清且  
哀一曲傾一盃氣將然諾重心向友朋開古木無生意  
寒雲若死灰贈君芳杜草為植建章臺又縉紳連省閣

唐詩集卷三  
五  
溝水遽西東然諾心猶在容華歲不同孤城臨楚塞遠  
樹入秦宮誰念三千里江潭一老翁熊峒云長沙辭舊  
國洞庭逢故人薰蘭敦久要披霧轉相親歲月方嗟老  
江山不惜春忽聞黃鶴曲更作白頭新又平生共風月  
倏忽間山川不期交淡水暫得款忘年興逸方罷釣帆  
開欲解舡離心若危旆朝夕為君懸韋嗣立嘗和前作  
并序云余昔忝省闈與岳州張使君潭州王都督同官  
聯事後承朝遣各自東西張公與王都督別詩二首情  
頗感切余覽以耿歎因追和焉

詩見嗣  
立下

房融

遊始興廣果寺山房云零落嗟殘命蕭條託勝因方燒  
三界火遽洗六情塵隔嶺天花發凌空月殿新誰令鄉  
國思從此覺分身

融和南人武后時為宰相神龍元年貶死高州

張敬忠

先天中王主敬為侍御史自以才望華妙當入省望前  
行忽除膳部員外微有悵惋吏部郎中張敬忠戲詠曰  
有意嫌兵部專心望考功誰知脚蹭蹬幾落省墻東蓋  
膳部在省最東北隅也

張仁愿在朔方奏用御史張敬忠何長鸞等分總軍事

太子文學柳彥昭為管記義烏尉昆良正為隨機皆著稱敬忠自監察御史累遷吏部郎中開元七年拜平盧節度使

崔珪

孤寢怨云征戍動經年含情拂玳筵花飛織錦處月落擣衣邊燈暗愁孤坐床空怨獨眠自君遼海去玉匣閉春絃

珪開元中為太子詹事與兄中書舍人琳弟光祿卿瑤俱列榮戟世號三戟崔家

沈祖山

秋閨詩云白馬三軍客青娥十載思玉庭霜落夜羅幌月明時爐冷蜘蛛喜燈寒熠燿期愁多不可曙流涕坐空幃

盧崇道

新都南亭別郭大元振詩云竹徑女蘿蹊蓮洲文石隄靜深人俗斷尋玩往還迷碧潭秀初月素林驚夕棲褰幌納鳥侶罷琴聽猿啼佳辰改宿昔勝寄坐睽携長懷賞心愛如玉復如珪

崇道為太常卿坐其聳崔湜反俱流嶺南逃歸至都為其子娶崔氏女有內給使取克貴人崇道賂之令別娶



一崔氏女入內事敗男共三人皆勅杖至殞蓋睿宗時也

徐安期

崔粧云傳聞燈下調紅粉明鏡臺前作好春不須面上  
渾粧却留著雙眉待畫人

張紘

閨怨詩云去年離別鴈初歸今夜裁縫螢已飛征客近  
來音信斷不知何處寄寒衣

紘登久視六年進士第

薛曜

正夜侍宴應制云重關鐘漏通夕啟鳳凰宮雙日祥煙  
裏千門明月中酒盃浮湛露歌曲唱流風侍臣咸醉止  
常慙恩遇崇

曜尚城陽公主子紹尚太平公主紹兄顓懼大盛以問  
從兄克克曰帝甥尚主由來故事但以恭慎行之何懼  
也曜堂姪嬾子鏞自曜至鏞一門四公主  
曜元起之子也聖睿中附張易之官正諫大夫

袁暉

正月閨怨云正月金閨裏微風繡戶間曉魂憐別夢春  
思逼帝顏遠砌梅堪折當軒樹未攀歲華庭北上何目

度陽關

七月閏怨云七月坐涼宵金波滿麗譙容華芳意改  
梳席怨情饒錦字沾愁淚羅裙緩細腰不如銀漢文  
歲歲鵲成橋

二月閏怨云二月韶光好春風香氣多園中花巧笑  
林裏鳥能歌有恨離琴瑟無情著綺羅更聽春燕語  
妾亦不如他

三月閏怨云三春時將盡空房妾獨居蛾眉愁自  
結鬢髮沒情梳

魏知古薦爲左補闕開元中馬懷素欲校正群籍暉自

邢州司戶參軍預馬

明皇東巡回出雀鼠谷暉應制云魏國山河險周王警  
蹕迴九旗雲際出萬騎谷中來石岸行將盡煙郊望忽  
開賞矜垂柳拂春畏落花催興逸橫汾體恩褒作頌才  
小臣瞻日月延首詠康哉

李休烈

長壽三年則天徵天下銅五十餘萬斤鐵一百三十餘  
萬斤於定鼎門內鑄八稜銅柱高九十尺徑一丈二尺  
題曰大周萬國述德天樞紀革命之功貶唐家之德天  
樞下置鐵山銅龍負載獅子麒麟圍繞上有雲蓋上施

盤龍以托珠高一丈圍三尺金彩熒煌光伴日月武三  
思為其文朝士獻詩者不可紀惟李嶠詩冠絕當時曰  
轍跡光西嶠勳庸紀北燕何如萬國會諷德九門前灼  
灼臨黃道迢迢入紫煙仙盤正下露高柱欲承天山類  
叢雲起珠疑大火懸聲流塵作劫業國海成田聖澤傾  
堯酒薰風入舜絃忻逢下生日還值上皇年後憲司發  
嶠附會常庶人左授滁州別駕而終開元中詔毀天樞  
發卒鎔鑠彌月不盡洛陽尉李休烈賦詩以詠之曰天  
門街裏倒天樞火急先須卸火珠計合一條絲線挽何  
勞兩縣索人夫先有訛言云一條線挽天樞言其不經

久也故休烈詩及之士庶莫不諷詠天樞之北韋庶人

繼造一臺先此毀折

出大唐新語

邵士彥

秋閨詩云斜日空庭暮幽閨積恨盈細風吹帳冷微月  
度窻明怨坐啼相續愁眠夢不成調琴欲有弄畏作斷  
腸聲

吳大江

擣衣詩云沙塞秋應晚金閨恨已空那堪裂紈素時許  
出房櫳杵影弄寒月砧聲調夜風裁縫雙淚盡萬里寄  
雲中

劉幽求

幽求書懷云心爲明時盡君門尚不容田園迷徑路歸去欲何從

幽求冀州人臨淄王入誅韋庶人預叅大策元天中爲相在同列下意望未滿已而竇懷正崔湜附太平公主有逆謀幽求說明皇圖之謀洩睿宗流之於封州明年公主誅召復舊官開元初進左丞相以太子少保罷姚崇忌之奏幽求鬱鬱散職有怨言詔有司鞠治盧懷慎等奏幽求輕肆不恭失大臣體貶睦州刺史遷杭州憲憤卒於道

賈曾

洛陽人以孝聞開元初爲中書舍人與蘇晉同掌制誥時號蘇賈

曾孝和皇帝挽詞云新命十齡啓鴻圖累聖餘天行應潛躍帝出受圖書禮若傳堯舊功疑復夏初夢遊長不返何國是華胥

曾和宋之問下山歌云良遊晚婉兮月成紅錦路逶迤兮山路長王孫不留兮歲將晏嵩崑仙草兮爲誰芳

詩見王無競門紅字未詳

奉和春日出苑遊囑云彤闈曉闕問安迴金輅春遊博

望開渭北晴光搖草樹終南佳氣入樓臺招賢已得商  
山客託乘還徵鄴下才臣在東周獨留滯叨承睿藻日  
邊來時為太子舍人使在東都

楊齊哲

過函谷關云地險峻函北途經分陝東逶迤衆山盡荒  
涼古塞空河光流曉日樹影散朝風聖德今無外何處  
是關中

魏元忠

侍宴銀潢宮應制云別殿秋雲上離宮夏景移寒風生  
玉樹涼露下瑤池暫花仍吐葉嵩茵尚抽枝願奉南山

壽千秋長若斯元忠唐史有傳

李夔

夔為汴州司戶使至汴州喜逢宋之問詩云阮籍蓬池  
上孤韻竹林才巨源從吏道正擁使車來相逢且交臂  
相命且銜盃醉後長歌畢餘聲繞吹臺之問答云遠方  
來下客輜軒揖使臣弄琴宜在夜傾酒貴逢春駟馬留  
孤館雙魚贈故人明朝雲雨散遙仰德為隣

司馬承禎

宋之問吟冬宵引贈承禎云河有水兮山有雪北戶墜  
兮行人絕獨坐山中兮對明月懷美人兮屢盈缺明月

灼灼寒潭中青松幽幽吟勁風此情不向俗人說愛而  
不見恨無窮承禎荅云時既暮兮節欲春山林寂兮懷  
幽人登竒峯兮望白雲悵緬邈兮象郁紛白雲悠悠去  
不返寒風颼颼吹日晚不見其人誰晤言歸坐彈琴思  
逾遠

承禎字子微事潘師正傳辟穀導引術無不通睿宗明  
皇累召至京師問其術卒贈正一先生沈佺期贈詩云  
紫微降天仙丹地授雲籙上言華頂事中關長生道華  
頂居最高大壑朝陽早長生術何妙童顏後天老清晨  
朝鳳京靜夜思鴻寶叙其被召之事也李白云余昔於  
金陵見司馬子微謂余有仙風道骨可以神遊八極之  
表因著大鵬賦以見志焉

唐詩紀事卷第十三

唐詩紀事卷第十四

張說

宋璟

王丘

崔翹

王光庭

席豫

梁昇卿

源乾曜

張嘉貞

盧從愿

韓休

徐知仁

崔禹錫

裴灌

韋抗

程行謨

李嵩

蕭嵩

劉昇

張光庭

宇文融

崔沔

崔尚

陸堅

崔泰之

崔日知

魏奉古

張說

八日迎春賜綵花詩云別館芳菲上苑東飛花澹蕩御

延紅城臨渭水天河近闕對南山雲霧通繞殿流鶯凡  
幾樹當蹊亂蝶許多叢春園既醉心和樂共識皇恩造  
化同

送金城公主云青海和親日星潢出降時戎王子婿寵  
漢國舅家慈春野開離宴雲天起別詞空彈馬上曲詎  
減鳳樓悲

晦日澆水應制云千行發御柳一葉下仙筇青浦宸遊  
至朱城佳氣濃雲霞交暮色草樹喜春容藹藹天旂轉  
清笳入九重

錢唐州高使君云常時好閑燕朋舊好相過及爾宣風

去方嗟別離多淮流春婉婉江海路蹉跎百年屢分

言歡復幾何

已上四首  
中宗時作

說字道濟洛陽人相明皇為文屬思精壯長於碑誌謫

岳州後詩益淒婉人謂得江山助云

夜坐詩云懷哉四壁時未有五都價百金誰見許斗酒  
難為賞落花生芳春孤月皎清夜復逢利交客題戶遙  
相謝

岳陽早霽南樓云山水佳新霽南樓翫初旭夜來枝半  
紅雨後洲全綠四運相終始萬形紛代續適臨青草湖  
再變黃鸝曲地穴穿東武江流下西蜀歌聞枉渚遭舞



見長沙促心遠居無陋神和生自足白髮悲上春知常  
謝無欲

岳陽石門墨山二山相連有禪堂道觀天下絕境詩云  
困輪江上山近在華容縣常陟巴丘首天晴遙可見佳  
遊屢前諾芳月愆幽眷及此符守移歡言臨道便既携  
賞心客復有送行掾竹徑入陰宵松崖上空藉草共林  
一色雲與峯萬變探窺石門斷緣越沙澗轉兩山勢爭  
雄峯巘相顧盼藥妙靈仙寶境華巖壑選清都西淵絕  
金地東敞宴池果接園畦風煙邇臺殿高尋去石頂曠  
覽天宇徧千山紛滿目百川豁對面騎來雲氣迎人去

鳥聲戀長揖桃源士舉世同企羨

岳州山城云岳城豐日暇閉戶見天心東曠迎朝色西  
樓引夕陰觀書千載近學靜二毛深忽有南風至吹君  
堂上琴

岳州行郡竹籬云山郡不溝郭荒城無翳壅愛人忠主  
利義守閉為勇苟非小勤瘁安得期逸寵板築恐土踈  
襄城嫵後重藩柵聊可固筠篁近易奉差池截浦沙繚  
繞緣隈隴矗似長雲亘森如高戟聳預絕豺狼憂知免  
牛羊恐問里寬矯步榛叢恣踏踵始果游處心終日成  
關拱

出湖寄趙冬曦云西泛平湖盡參差入亂山東瞻岳陽  
郡汗漫太虛間窘步同行樂道文亦屢看山戍上雲桂  
江亭臨水關川途倏忽間風景依如昨湘浦未賜環荆  
門猶主諾何時得餘美載酒游宛洛

說謫岳州常鬱鬱不樂時宰以說機辨才略互相排擯  
蘇頲方大用說與瓌善說因為五君詠致書封其詩以  
貽頲誠其使曰當候忌日近暮送之使者近暮弔客至  
多說先公僚舊頲覽詩嗚咽流涕翌日上對大陳說忠  
正謇諤人望所屬不宜淪滯遐方上因降璽書勞問俄  
遷荊州長史由是陸象先韋嗣立張庭珪賈曾皆以謏

逐歲又因加甄叙頲以父之執友事之甚謹

王泠然上燕公書云詩曰投我以木瓜報之以瓊琚此  
言雖小可以喻大相公五君詠曰淒涼丞相府餘慶在  
元城蘇公一聞此詩移公於荆府積漸至相由蘇得也  
今蘇屈居益部公坐廟堂投木報瓊義將安在亦可舉  
蘇以自代然後為朔方之行泠然書又曰相公岳陽送  
別詩云誰念三千里江潭一老翁今日忘往日之棲遲  
貪暮年之富貴乎

明皇封太山迴過金橋御路縈轉一望旌纛綿數十里  
上曰張說言我勒兵三十萬旌旗徑五百里陝右上黨

至于太原見后碑真才子也召吳道子韋無忝陳闕同製

### 金橋圖

扈從南山雀鼠谷云豫動三靈贊時巡四海威破關凌  
曙出平路半春歸霍鎮迎雲罕汾河送羽旗山南柳半  
密谷北草全稀遲日移華蓋和風入夾衣上林千里近  
應見百花飛

將赴朔方軍應制云禮樂逢明主韜鈴用老臣恭憑神  
武策遠御鬼方人供張崇恩餞山川喜詔巡天文日月  
送朝賦管弦新幼志傳三略衰材謝六鈞膽猶忠作伴  
心故道為鄰漢保河南地胡清塞北塵連年大軍後不

日小康辰劔舞輕離別歌酣忘苦辛從來思轉望許國  
不謀身

說赴集賢院學士上賜讌應制得輝字韻云侍帝金華  
講千齡道固稀位將賢士設書共學徒歸首命深燕隗  
通經淺漢章列筵榮賜食送客愧儒衣賀鷲窺簷下遷  
鷲入殿飛欲知朝野慶文教日光輝

三相同日拜官奉和御制云大塊鎔群品輕生偶聖時  
猥承三事命虛忝百僚師右揆謀華碩前星傳重資連  
騫求舊禮濫點樂賢詩賜筵同榮拜擬金宴宰司菊花  
吹御酒蘭葉捧天詞寶曆休明盛頽年晷漏衰少留青

史筆未便赤松期

恩賜宴樂遊園云漢苑佳遊地軒庭近侍臣共持榮幸  
日來賞艷陽春饌玉頌王篚縱金下帝鈞池臺草色徧  
宮觀柳條新花綬光連榻朱顏暢飲醇聖朝多樂事天  
意每隨人

醉中作云醉後方知樂彌勝未醉時動容皆是舞出語  
總成詩

雜詩云抱薰心常焦舉旆心常搖天長自地久歡樂能  
幾朝君看西陵樹歌舞為誰嬌

五君詠

達志美類刺具感義哀  
事類氏之心也擬馬

齊公生人表向天聞鶴唳清論早揣摩玄心晚超詣入  
相廊廟靜出軍沙漠霽見深呂祿憂舉後陳平計甘心  
除君惡足以報先帝 魏元忠

許公信國楨克美具瞻情百事資朝問三章廣世程處  
高心不有臨節自為名朱戶傳新戟青松拱舊塋淒涼  
丞相府餘慶在玄成 蘇瓌

李公實神敏才華乃天授睦親何用心處貴不忘舊故  
事遵臺閣新詩冠宇宙在人忠所奉惡我誠將宥南浦  
去莫歸嗟嗟茂孫秀 李嶠

代公舉鵬翼翻飛摩海霧志康天地也適與雲雷遇興

喪一言決安危萬心注大勲書王府舛命淪江路勢傾  
北夏門哀靡東平樹郭元振

耿公山岳靈才傑心亦妙鷲鳥峻標立哀玉扣清調協  
贊休明啓思華日月照何意瑤臺雲風吹落江徼湘流  
下潯陽洒淚一投弔趙彥昭

宋璟

奉和明皇答張說南出雀鼠谷詩云秦地雄西夏并州  
近北胡禹行山啓路王在邑為都忽視寒暄隔深思險  
易殊四時宗伯叙六義宰臣鋪徵作宮常應星環日每  
紆盛哉逢合道良以致亨衢

奉和聖製送張尚書巡邊云帝道薄存兵王師尚有征  
是開司馬法爰命總戎行畫闕崇威信分麾盛寵榮聚  
觀方結轍出祖遂傾城聖酒山河潤天詞象緯明德風  
邊地偃勝氣朔雲平宰國推良器為軍挹壯聲至和常  
得體不戰即亡精以智泉寧竭其徐海自清遲遲廟堂  
坐贈別故人情

奉和御製三相同日上官詩云丞相邦之重非才諒不  
居老臣庸且憊何德以當諸厚秩先為忝崇班復此除  
太常陳禮樂中掖降簪裾聖酒山河潤仙文象緯舒冒  
恩懷寵祿陳力省空虚郭隗慙無駿馮媛媿有魚不知

周勃者榮幸定何如

恩賜樂遊園宴詩云侍飲終醕會承恩續勝遊戴天惟  
慶幸選地即殊尤北向祗雙闕南臨賞一丘曲江新溜  
暖上苑雜花稠疊疊韶絃屢變變貴帛周醉歸田畛陌  
榮耀接軒裘

開元天子登封泰山南出雀鼠谷張說獻詩明皇御卷  
群臣應制故明皇詩有川途猶在晉車馬漸歸秦之句  
餞張尚書朔方者燕公說也明皇詩有三台入武帳八  
座起文昌之句左丞相張說右丞相宋璟太子少傅源  
乾曜同日上官錫宴東堂明皇賜詩有赤帝收三傑之

句故蘇晉序云天子作三傑之詩以命宴樂蓋為此也  
劉禹錫獻權舍人書曰昔宋廣平之沉下僚也蘇公味  
道時為繡衣直指使者廣平投以梅花賦蘇盛稱之自  
是方列于聞人之目名遂振嗚呼以廣平之才未為是  
賦則蘇公果暇知其人耶將廣平困於窮阨於躓然後  
為是文耶是知英賢卓犖可外文字然猶用片言借說  
於先達之口席其勢而後驤首當時矧碌碌者疇能自  
異

皮日休桃花賦序曰余嘗慕宋廣平之為相貞姿勁質  
剛態毅狀疑其鐵腸石心不能吐婉媚辭然觀其文而

有梅花賦清便富艷得南朝徐庾之體

王丘

奉和明皇荅張說南山崔鼠谷詩云襟帶三秦接旂常  
萬乘過陽源淑氣早陰谷返寒多花緡前郊仗霜嚴後  
秉戈戍雲開晉嶺江鴈入汾河北土分堯俗南風動舜  
歌一聞天樂唱恭遂萬人和

丘字仲山擢童子科能屬文為吏部侍郎典選其獎用  
如孫逖張晉明王泠然皆一時茂秀蕭嵩引與當國  
丘盛推韓休休秉政薦為御史大夫

撫言蕭穎士恃才傲物嘗携壺逐勝憇於逆旅風雨暴  
至有紫衣翁領二僮避雨於此穎士頗侮之雨止老人  
上馬呵殿而去穎士始知為丘也明日造門謝罪丘引  
至廡下坐而責之復曰子負名傲忽其止於一第乎果  
終于揚州工曹

崔翹

奉和明皇荅張說南出雀鼠谷詩云硤路繞河汾晴光  
掃曙氛笳吟中嶺樹仗入半峯雲頓覺山原盡平看邑  
里分早行芳草迥晚憇好風薰嘉頌推英宰春遊扈聖  
君共欣承睿渥日月照天文

翹官至禮部尚書清河公

王光庭

奉和明皇答張說南出雀鼠谷詩云省俗恩將遍巡方  
路稍迴寒隨汾谷盡春逐管郊來雲騎傳行漏煙旄引  
從臺惠風初應律和氣正調梅雅送通宸詠天文接曙  
台灞城桃李色應待日華開

奉和御製送張尚書巡邊詩云賢相德符克朝推文武  
雄海波先若鏡關草預從風鉞助將軍勇威成天子功  
瓊章九霄發錫宴五衢通玉輶龍盤帶金裝鳳頸驄虎  
貌紛儼擬河洛震熊熊戈刃千霜白旌旗萬火紅示刑  
夷夏變流惠鬼神同寇息軍容偃塵銷朔野空用師

禮樂非是為獯戎

張說送光庭詩云同居洛陽陌經日嬾相求及爾江湖  
去言別悵悠悠楚雲渺羈翼海月倦行舟愛而不可見  
徒嗟芳歲流光庭與燕公最善故云

席豫

奉和明皇答張說南山雀鼠谷詩云鳴鑿初幸代簇蓋  
欲橫汾山盡千旗直邠五校分前林已暄景後壑尚  
寒氛風送簫韶曲花鋪黼黻文鹽梅推上宰禮樂統中  
軍獻賦舒元化觀飛白雲

奉和聖製送張尚書巡邊詩云聖帝重兵權分麾屬大



賢中軍仍執政丞相復巡邊翕習戎裝動張皇廟略宣  
朝榮承睿札野餞轉行旃亭障東緣海沙場北際天春  
冬見嚴雪朝夕候烽烟已勒燕山頌猶聞遣戍篇五營  
將月合八陣與雲連經略圖方遠懷柔道更全歸未盡  
麟閣藹藹武功傳

豫字建侯年十六舉手筆俊拔科中之後為中書舍人  
與韓休許景先徐安貞孫逖名相甲乙當時號為席公  
帝嘗登朝元閣賦詩群臣屬和帝以豫詩最工詔曰詩  
人之冠冕也

梁昇卿

奉和明皇答張說南出雀鼠谷詩云何意重關道千年  
遇聖皇幽林承惠澤閑客見清光日御仙途遠山靈壽  
域長寒雲入晉薄春樹隔汾香國佐同時雨天文屬歲  
陽從來漢家盛未若此巡方

昇卿與張九齡善涉學工書於八分尤工歷廣州都督  
書東封朝覲碑為時絕筆

源乾曜

奉和御製送張尚書巡邊云匈奴邇河朔漢地復戎旅  
天子擇英才朝端出監撫流星下閭闔寶鉞專公輔禮  
物生光輝宸章備恩詔有征示矛戟制勝惟罇俎彼美

何壯哉桓桓擅斯舉聲華振臺閣功德標文武奉國知  
命輕忘家以身許安人在勤恤保大殫襟腑此外無異  
言同情報明主

送張說上集賢學士賜燕賦詩得迎字云盛業光書府  
微人盡國英絲綸賢得相群俊學為名寵命垂天賜崇  
恩發睿情薰風清禁籞文殿述皇明日霽庭陰出池新  
水氣生歡娛此無限詩酒自相迎

奉和御製賜二相同日上官云睿作超千古湛恩育萬  
人遙遷俱荷澤同拜忽為鄰道合音徽暢芳馳景命新  
鼓鍾崇享禮鸞鷺集朝倫竊位思官謗彫容謝木春慙

多無以叙拙備實難陳進級懷三少承光盡百身自當  
歸第日何幸列宮臣

乾曜開元初姜皎薦於帝召見神氣爽澈占對有序帝  
悅之性謹重與張嘉貞張說李元紘同秉政居中未嘗  
廷議可否皎為嘉貞所排得罪迄不申救君子譏焉

張嘉貞

奉和御製送張尚書巡邊六天錫我宗盟元戎付夏卿  
多才思命將必勇獨橫行經緯稱人傑文章作代英山  
川看是陣草木想為兵不待河水合猶防漢月明有謀  
當繫醜無戰是綏氓閩外專三略雲中冀一平感恩同

義激悵別屢魂驚直視前旌掣遙聞後騎鳴還期方定  
日復此出郊迎

嘉貞性簡疏與人不疑所薦中書舍人苗延嗣呂太一  
考功員嘉靖侍御史崔訓時語曰令君四俊苗呂崔員  
始為中書舍人崔湜輕之後與議事正出其上湜驚曰  
此終其坐後十年而為中書令

盧從愿

奉和御製送張說巡邊云上將發文昌中軍靖朔方占  
星引旌節擇日拜壇場禮樂臨軒送威聲出塞揚安邊  
俟帷幄制勝在巖廊作鼓將軍氣投醪壯士觴戒途遵

六月離贈動三光槐路清梅暑蘅臯赴麥涼持文仰  
伯耀武震遐荒衽席知無戰兵戈示不忘佇聞歌杖杜  
凱入繫名王

從愿字子襲舉制科高第為兵部尚書數充校考使御  
史中丞宇文融將以括田戶功為上下考從愿不許乃  
密白從愿盛殖產占良田數百頃帝自此薄之目為多  
田翁後欲用為相屢矣卒以是止

韓休

奉和御製送張尚書巡邊云一德光台象三軍掌夏卿  
來威申廟略出總協師貞受鉞辭金殿憑軒去鼎城曉

光搖組甲踈吹繞雲旌左律方先凱中輦即訓兵定功  
彰武事陳頌紀天聲祖宴初留賞宸章更寵行車徒零  
雨送林野夕陰生路極河流遠川長朔氣平南轅遲反  
旆歸奏謁承明

休知制誥蕭嵩薦與同秉政帝重之

徐知仁

奉和御製送張尚書巡邊云聖德膺三統皇威被八埏  
大明均照物小醜未寧邊國相台衡重元戎廟略宣紫  
泥方受命黃石乃推賢問罪陰山下安人屬國前度關  
行照月乘障坐銷烟北闕紆宸藻南橋列祖筵耀威嘗

夏日殺氣指秋天鞞鼓鼉鼉振旌旗鳥獸懸由來詞翰  
手今見勒燕然

崔禹錫

奉和御製送張尚書巡邊云供帳何煌煌公其撫朔方  
群寮咸餞酌明主降離章關塞重門下郊岐禁苑傍練  
兵宜雨洗卧鼓候風涼炎景寧云憚神謀肅所將旌搖  
天月迫騎入塞雲長赫赫皇威振油油聖澤滂非惟按  
車甲兼以正封疆叱叱陰山道澄清瀚海陽虜垣行決  
勝台座佇為光

禹錫字洪範登顯慶三年進士第為中書舍人

裴淮

送張說上集賢學士賜讌賦得昇字云問道圖書盛尊  
儒禮教興石渠因學廣金殿為賢昇日月恩光照風雲  
寵命膺謀謨言可範舟楫事斯憑宴喜明時洽光輝湛  
露凝大哉堯作主天下頌歌稱  
淮與張說善說為相數薦之淮長於敷奏天子亦自重  
焉

韋杭

送集賢學士張說上官賜讌賦得西字云廣庭臨壁沼  
多上侍金閨英宰文儒協明君日月齊集賢光首拜改  
殿發新題早夏初移律餘花尚拂溪壺觴接雲上經術  
引關西聖德鴻名遠將陪玉檢泥  
杭終於刑部尚書所薦如梁昇卿王倕王壽俊皆為顯  
人唐史稱之

程行誼

送張說上集賢學士賜讌賦得迴字云聖主崇文化鏘  
鏘得盛才相因歸夢立殿以集賢開象繫微言闡詩書  
至道該堯罇承帝澤禹善自天來禮洽歡逾長風怡暑  
更迴國朝將舜頌同是一康哉  
裴子餘補鄆尉行誼與之同舍行誼以文法稱而子餘

唐詩紀事卷十四  
以儒顯長史陳崇業曰蘭菊異芬無可廢者二子卒子  
餘謚孝行謚正張說嘆曰二謚可無愧矣

李嵩

送張說上集賢學士賜讌得催字云偃武堯風接崇文  
漢道恢集賢更內殿清選自中台佐命留侯業詞華博  
物才天厨千品降夏旨百壺催鷓鴣方成列神仙喜暫  
陪復欣同拜首叨此頌良哉

蕭嵩

送張說上集賢學士賜讌得登字云帝曰簡才能旌賢  
在股肱文章體一變禮樂道逾弘芸閣英華入賓門鷓

鷺登恩延過所望聖澤實超恒夏葉開紅蕖餘花發紫  
藤微臣亦何幸叨此預文明

奉和御製三相同日上官詩云審官思共理多士屬惟  
唐歷選台庭舊來熙帝業昌入朝師百辟論道協三光  
垂拱資元老親賢輔少陽登崇禮送寵德耀宸章御  
酒飛觴洽仙闈雅樂張荷恩思有報陳力愧無良願罄  
公忠節同心奉我皇

嵩開元初權中書舍人崔琳王丘齊滌以嵩少學術不  
以輩行許也獨姚崇稱其遠到帝欲相蘇頲嘗夜密召  
嵩草詔其詞曰國之瓌寶帝曰朕不斥其父名卿當為

刊削沉思久之乃曰國之珍寶高出帝曰虛有其表嵩  
順大多髭故帝有是言

劉昇

送張說上集賢學士賜讌得賓字云圖書應明主策府  
宴嘉賓台耀臨東壁乾光自北辰網羅窮象繫迷作究  
天人聖酒千鍾洽仙厨百味陳成山徒可仰涉海詎知  
津幸逢文教盛還觀頌聲新

昇能文善草隸德威之後也開元中累遷中書舍人

裴光庭

奉和御製三相同日上官詩云樂賢聞往誥褒德偶茲

辰端揆升元老師謀擇累仁紫庭嵩讓畢粉署禮容陳  
既荷恩榮舊俱承寵命新天文懸瑞色聖酒汎華茵雜  
還陳簫鼓歡娛洽縉紳掖垣招近侍虛薄厠清塵共保  
堅貞節當期雨露均

光庭字連城時為兵部侍郎後為相謨瑤山往則維城  
前執二篇獻之手製褒美詔皇太子諸王於光順門見  
光庭謝所以規諷意

宇文融

奉和御製三相同日上官詩云申甫生周日宣慈舉舜  
年何如偶昌運比德邁前賢寵獲元良密榮瞻端揆遷

職優三事老位極百寮先北極迴宸渥南宮飾宴筵飛  
文瑤札降賜酒玉杯傳謬列台衡重俱承雨露偏誓將  
同竭力相與効塵涓

融為張說所惡欲先事中傷說張九齡謂說曰融辨洽  
多詐公不可忽說曰狗鼠何能其後乃與崔隱甫廷効  
說受賂事帝詔說致仕而出融詩有誓將同竭力相與  
効塵涓之語欣附說之辭也

融安輯戶口明皇賜詩張說奉和云聖德臨天下勞情  
遍九圍念茲人去本蓬轉將何依外避征戍數內傷親  
黨稀嗟不逢明盛胡能照隱微栢臺簡行李蘭殿錫朝

衣別曲動秋風恩令生春輝使出四海安詔下萬心歸  
愧無夔龍佐徒歌鴻雁飛

崔沔

恩賜樂遊園宴云五日酺初畢千年樂未央復承天所  
賜終宴國之陽地勝春逾好恩深樂更張落花飛廣座  
垂柳拂行觴庶尹陪三吏諸侯具萬方酒酣同忭躍歌  
舞詠時康

沔字善冲有文章舉賢良方正第一最受知於張說儉  
約自持嘗作陋室銘以見志云

崔尚



恩賜樂遊園宴云春日照長安皇恩寵庶官合簪承羅  
飲宴帛賜追懽供帳憑高列城池入迥寬花催相國飲  
鳥和樂人禪北闕雲中見南山樹杪看樂遊宜締賞舞  
詠惜將闌

尚登夕視六年進士第官至祠部郎中

陸堅

送張說上集賢學士應制得今字云聖主崇文教層霄  
降德音尊賢澤既厚式宴寵逾深復有夔龍相良哉簡  
帝心得人惟邁昔多士諒推今書殿榮光滿儒門喜氣  
臨顧惟誠濫吹從此接衣簪

堅為中書舍人以集賢學士或非其人而供假太厚謫  
白罷之張說曰嚴正乃天子禮樂之司所費細而所益  
者大陸生之言蓋未達耶帝知遂薄堅

崔泰之

酬韋嗣立龍門北溪作云闕基臨伊水驪山枕灞川俱  
臨隱路側同在帝城邊謝公無出處携妓玩林泉鳴騶  
噴梅雪飛蓋曳松煙聞琴幽谷裏看奕古岩前落月低  
幃帳歸雲繞管絃叨榮慙北闕微尚愛東田寂寞灰心  
盡蕭條塵事捐朝思登絕壑夜夢弄潺湲宿懷南澗意  
况觀北嶠篇

同光祿弟冬日述懷序云韋祭酒張左丞二公並廊廟  
 偉才朝廷舊相咸光首和殊為佳作輒繼陽春深增愧  
 悚詩云吾族白眉郎才華動洛陽觀光初入仕應宿始  
 為郎飛螢翫書籍白鳳吐文章海鄉逾往雅河尹冠前  
 張擇才綏馭郢殊化被江湘高樓臨廣陌甲第敞通莊  
 別館却山下疏亭洛水旁昌年賞豐陌暇日悅林塘衣  
 冠皆秀茂羅綺盡名倡隔岸聞歌度臨池見舞行門庭  
 寒變色榮戟自生光窮陰方駿驟殺氣正蒼茫感時興  
 盛作晚歲共多傷積德韋丞相通神張子房吟草徧簪  
 綬逸韻合宮商功名守留省濫跡在文昌家園遙可見

臺寺近相望無庸乘侍謁有暇共翔翔棣華依鳳序竹  
 葉拂鸞觴水坐憐秋月山行弄晚芳恩榮慙服冕友愛  
 篤垂堂無由報天德相顧詠時康韋祭酒嗣立張左丞說光祿日知也  
 泰之時以禮部居洛故與嗣立說日知數有酬唱泰之  
 知温之子初以職方郎中預平二張終於工部尚書

崔日知

和韋嗣立龍門北溪作云夙齡秉微尚中年忽有鄰以  
 茲山水僻遂得學通人迨我南京道聞君北業新嵩前  
 窺石鏡河畔踏芳茵既憐伊浦綠復憶灞池春連詞謝  
 家子同歡冀野賓趣閑魚共樂情洽鳥來馴誰念昔遊

唐詩集卷之四  
者祇命獨留秦蕭條潁陽戀冲漠漢陰真無由陪勝躅  
空此翫書筠

冬日述懷奉呈韋祭酒張左丞蘭臺名賢云弱齡好經  
籍披卷即怡然覃精四十載馳騁數千言孔壁採遺篆  
周章考絕編袁公論劍術孫子叙兵篇魯史君臣道姬  
書日月懸從師改炎燠負笈遍山川上異西河夏中非  
北海玄光榮拾青紫名價接通賢既重萬鍾樂寧思二  
頃田長戟同分虎高冠亞附蟬晚懷重虛曠養志息雕  
鐫登高慙思拙匠物謝情妍不慕張平子寧希王仲宣  
誰謂登龍日翻成刻鶴年循循勞善誘軋軋思微牽琢  
磨才既竭鑽仰德彌堅朽木誠為諭捫心徒自憐終期  
吞鳥夢振翼上雲煙賦成先擲地詞高直挾天更執樞  
衣禮還趨函丈筵霧披槐市藹水靜壁池圓願逐從風  
葉飛舞翰林前

日知字子駿日用從父兄與張說同為魏元忠朔方判  
官再遷洛州司馬譙王重福之變以功加銀青光祿大  
夫遷殿中少監日知在洛日與韋嗣立張說酬唱故說  
和冬日述懷詩序云太極殿衆君子分司洛城自春涉  
秋日有遊訪崔光祿述志論文首貽雅唱諸公嘉德序  
事咸有報章若夫盛時榮位華景勝會此四者古難一

遇而我輩實無之嗣立亦序云僕忝臺閣早經聯事崔  
公以雅道自居未嘗至偃之室僕羸疾收退門堪羅雀  
公存訪不避風雨方知向時疏也今晨情也蘭菊春秋  
自芳竹柏歲寒不變故嗣立詩有昌年雖共偶歡會此  
難并為憐漳浦曲沉痾有劉楨之句說詩云夫君邁前  
侶觀國騁竒姿山似鳴威鳳泉如出寶龜又曰紫綬拂  
三寺朱門臨九達其貴盛如此後為太常卿自以處朝  
廷久每入謁必與尚書齒時謂尚書裏行後為潞州長  
史卒初赴潞州明皇賜詩云潞國開新府壺關寵舊臨  
妙旌循吏德持悅庶民心蓋潞為明皇舊鎮故也張說

和云聖情垂曩鎮佳氣翊興王增戟雄都府高車轉太  
常川橫八澗濶山帶五龍長連帥初恩命天人舊紀綱  
餞塗飛御藻闔境自輝光明主招循吏何年下鳳凰

魏奉古

和韋嗣立龍門北溪作云有美朝為貴幽尋地自偏踐  
臨伊水內想望灞池邊是遇皆新賞茲遊若舊年藤蘿  
隱路接楊柳御溝聯道愜神情主機忘俗理捐遂初誠  
已重無濟實為賢跡是山東戀心惟北闕前顧慙經拾  
紫多謝賦思玄未躡中林步空乘麗藻傳陽春和已寡  
扣寂意徒然龍門北溪韋嗣立山居在焉諸公賦詩奉

古時預酬唱之末張說序崔韋贈答詩云二公述志論  
文首貽雅唱其餘尋聲響答望形影赴故亦峻碧池之  
漣漪增瑤林之沃若蓋奉古之徒是也

唐詩紀事卷第十四

